



UNIVERSITÄTS-
BIBLIOTHEK
PADERBORN

Universitätsbibliothek Paderborn

Ioannis Ioviani Pontani amorum libri II.

Pontano, Giovanni Gioviano

Venetiis, 1518

Ad Stellam iterum.

urn:nbn:de:hbz:466:1-13534

Ergo eadem mihi sol, eadem mihi sydus, et una
Lucifer est, eadem uesper et una mihi.

AD STELLAM.

a. D coenam me stella uocat, et gaudia lecti.
Mensa mihi posita est, compositusq; torus.
Ipsa ministrabis simul, et simul ipsa recumbes,
Et dabis in medio basia multa mero.
Coena placet. uenio. ponam sed fœder a lecti,
Me tua coena iuuat. tu mea pacta proba.
Prima cuba, nec nuda tamen, tenuissima sed te
Tela tegat, Cyprio tela liquore madens.
Ipse sequar. tu me amplexu placidissima blando
Excipe, et in tepido (qua potes) abde sinu.
Oscula mox iunges cupidas imitata columbas,
Oscula non uno continuata modo.
Mutu Venus mihi nulla placet. suspiria musce,
Aptaque lascivus garrula uerba iocis.
Nec manus officio desit, manus æmula linguae est.
Hæc tactu uenerem suscitat, illa sono.
Gaudia amor probat hæc, uerum si rixa sequatur,
Quæ dens, quam'ue aliquid mouerit ausa manus.
Author ero rixæ. tu mox offensa quereris,
Vnguisque et scindes pectora nostratu*s*.
Scindam ego nunc tunicam, subducta et ueste papillæ.
Nuda eris, et nullo tegmine bella geres.
Ipsa manum collo injicies, super ipsa recumbes,
Verbera et ipsa dabis, uerbera et ipsa feres.
Dente petes. ego dente petam. demorsa dolebis,
Ipse sequar, lacrimæ prona per ora cädent.

201
ERIDANORVM

Tum supplex ueniam grata cum pace rogabo,
Ipsa dabis, simul et basia multa dabis.
Basia multa dabo, iungam quoq; munera pacis,
Munera complexo ter repetita sinu.
Hoc est pacis opus, sunt hæc sua foedera lecti.
subscribas. per me nulla futura mora est.

AD STELLAM.

i N tenebris mea Stella nites, dum sydera pallent,
Et nox ipsa tuo lucida honore placet.
In medio mea Stella die sub sole nitescis,
Clarior et per te solq; diesq; uenit.
Sic es syderibus decus addita matutinis,
Et radijs debent solq; diesq; tuus.
Sed cur quæ tenebris honor es, decus una diebus
Cur lumen nobis nocte, diesq; negas?
Nocte negas, foribus clausis, in luce fenestris.
O' tenebrae non iam stella' ue lux' ue mihi.

DE PHOENICE AVE, et de amante.

s Eligit e' syluis Arabum, lucisq; sabæis,
Quos Phœnix ramos ad sua busta paret.
Instruit his nidum, nido mox incubat ales,
Incubitu flammas excitat inde suo.
Vritur hinc, cineriq; suo fit et inde superstes,
Ipse sibi est ortus, ipse sibi est obitus.
At contra e' curis gravioribus, atq; dolorum
Seligit e' cumulo, quers foneatur amans,